

Iluarsiissut

Siunnersuut 11. Februar 2019-meersoq taarserneqarpoq

Iluarsiissummi Inatsisartut Allattoqarfiata inatsisinik isumaginnittoqarfianit aaqqissutissatut siunnersuutit tunngavigalugit iluarsiissutigineqarput.

Iluarsissutit pingaarutillit pillugit allaatiginnineq: Innersuussutinut aaqqiisoqarpoq oqaatitsigullu
Iluarsiissuteqarluni

Uunga siunnersuut: Tarnimikkut napparsimasunik nammineersinnaajunnaarsitsisarneq allatigullu pinngitsaaliissummik iliuseqartarneq pillugit Inatsisartut Inatsisaat nr. xx, xx. xxx 2019-imeersoq

Kapitali 1

Inatsisip atuutsinneqarfia

§ 1. Tarnimikkut napparsimasut napparsimmavimmut unitsinneqarnerannut, napparsimmavimmi uninnganerannut aamma katsorsarneqarnerannut atatillugu nammineersinnaajunnaarsitsineq allatigullu pinngitsaaliissummik iliuseqartarneq taamaallaat Dronning Ingridip Napparsimmavissuata tarnikkut nappaatilinnut immikkoortortaqarfianini pisinnaavoq, taamaattorli tak. imm. 2, 3 aamma 4 kiisalu Inatsisartut inatsisaanni matumani maleruaqqusat naapertorlugit imaluunniit maleruaqqusat tamatuminnga tunngaveqarluni akuersissutigineqarsimasut tunngavigalugit taamaallaat pisinnaapput.

Imm. 2. Pinngitsaaliissummik napparsimmavimmut unitsitsineq, imm. 1 apeqqutaatinnagu, peqqinnissaqarfiup suliffeqarfiini allani aallartinneqarsinnaavoq. Dronning Ingridip Napparsimmavissuani tarnikkut nappaatilinnut immikkoortortaqarfianini nakorsaanerup nakorsaq aggersarneqarsimasoq isumasioqatigalugu aalajangiivigissavaa, paasissutissat pigineqartut tunngavigalugit aamma nakorsap aggersarneqarsimasup misissuisimanagera tunngavigalugu pinngitsaaliissummik unitsitsinissaq ilumut pisariaqarnersoq. Dronning Ingridip Napparsimmavissuani tarnikkut nappaatilinnut immikkoortortaqarfianinut nuussineq nalunaaquttap akunnerisa 48-t ingerlanerini pissaq, tassa pinngitsaaliissummik unitsitsinerup aallartinneqarnerata kingornatigut, imaangippat nalinginnaasumik angallannermi pissutsit pissutigalugit tamanna pinngitsortinneqarluni. Pinngitsaaliissummik iliuseqarnerit kapitali 6-imi taaneqartut pinngitsaaliissummik unitsitsinerup aallartitsinneqarnerani atorneqarsinnaapput.

Imm. 3. Timikkut anniaatigisamik pinngitsaaliissummik nakorsaanissaq pisariaqarpat timikkut napparsimasunut immikkoortortaqarfimmi tamanna ingerlanneqarsinnaavoq, tak. § 15.

Imm. 4. Napparsimasoq tarnikkut nappaatilinnut immikkoortortaqarfianinut unitsinneqarsimasoq, Kalaallit Nunaata avataani tarnimikkut napparsimasunut immikkoortoqarfimmut ma-

toqqasumut nuutsinneqarsinnaavoq imaappat napparsimasoq avatangiisiminut ima ulorianarti-gisutut isigineqarluni, napparsimasup Dronning Ingridip Napparsimavissuani tarnikkut nappaatilinnut immikkoortorta qarfianni uninngatinneqarnissaa illersorneqarsinnaanngitsutut isigineqarluni. Nuussineq pinngitsaaliissummik uninngatitsinermi maleruaqqusat naapertorlugit ingerlanneqassaaq, imaappat napparsimasup nuutsinneqarnissamut ilisimatinneqareerluni akuersissuteqarsimanani.

§ 2. Inatsisartut inatsisaanni matumani pinngitsaaliissummik iliuseqarneq tassaavoq paasisutissinneqareernikkut isumaqataalluni akuersissuteqartoqanngitsoq, tak. napparsimasut inatsisitigut inissisimanerat pillugu Inatsisartut peqqussutaanni kap. 2.

Imm. 2. Napparsimasunut 15-it inorlugit ukiulinnut imaluunniit paasitinneqareerluni isumaqataalluni akuersinissamut piginnaaneqanngitsunut tunngatillugu angajoqqaatut akisussaasumit, angajoqqaatut akisussaataasumit imaluunniit qanigisaanit qaninnerpaamit akuersissut pissarsiariniarneqassanngilaq inatsisartut inatsisaat manna naapertorlugu aaqqiissutip ingerlaannartumik naammassinissaa pisariaqassappat napparsimasup ima iliornissaa pitsaaliornarlugu:

- 1) imminut ajoqusersinnaanera imaluunniit allanik timaasigut imaluunniit peqqissusiisigut ajoqusiisinnaanera ilimanarluinnarpat, imaluunniit
- 2) annikigisassanngitsumik aserorterinissaa.

Imm. 3. Periuseqarnissamut iliuseqarnerit atorneqartillugit, tak. imm. 2, angajoqqaatut akisussaaffimmik pigisaqartoq, angajoqqaatut akisussaataasooq imaluunniit qanigisaasooq qaninnerpaq tamatuma kingornatigut tamanna pillugu sapinngisamik piaarnerpaamik ilisimatinneqassaaq.

Imm. 4. Napparsimasunut ukiukitsunut 15-inik ukioqalereersimasunut tunngatillugu peqqinnissaqarfimmi sulisup inummik pineqartumik naliliinermi kingornatigut nalileruniuk pineqartup isummernermi kingunerisassai paasisinnaanngikkai, tak. napparsimasut inatsisitigut inissisimanerat pillugu Inatsisartut peqqussutaanni § 8 imm. 2, taava imm. 2 aamma imm. 3 taamatut atuutissapput.

Kapitali 2

Aalajangersakkat nalinginnaasut

§ 3. Peqqinnissaqarfiup immikkoortorta qarfiisa arlaannut unitsitsineq, uninnganeq aamma nakorsarneqarneq sapinngisamik napparsimasup nammineq piumassusia naapertorlugu ingerlanneqassapput.

Imm. 2. Nakorsap, napparsimasoq napparsimavimmuut unitsitsinerup, napparsimmavimmii-titsinerup aamma nakorsartinnerup siunertaanik kiisalu peqqissutsip pitsaanerulernissaata qanoq inneranik, ilitersussavaa.

Imm. 3. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup immikkoortorta qarfimmut unitsinneqartunut tamanut nakorsartinnissaq

pillugu pilersaarusiamik suliaqartoqarnissaa, kiisalu napparsimasup peqataatinneqarnissaa aamma pilersaarutip imarisaa pillugu tusaaniarneqarnissaa akisussaassuseqarfigai, aammattaaq napparsimasup taassuma piviusunnngortinneqarnissaanut akuersissuteqarnissaata pissarsiarinneqarnissaata anguniartuarnissaa.

Imm. 4. Nakorsarneqarnissamut pilersaarut ingerlaavartumik naleqqussarneqartassaaq, aamma qanorluunniit ilisukkut nakorsartinnerit suut aallartinneqarnerannik aammattaaq anguniakkat suut anguniarneqarnersut nakorsartinnerit maannakkut ingerlanneqartut aqqutigalugit ersersinneqassallutik.

Imm. 5. Nakorsarneqarnissamut pilersaarutip assilineri napparsimasumut tunniunneqassaaq, imaangippat pineqartup tamanna piumanagu.

§4. Nammineersinnaajunnaarsitsineq aallartinneqartinnagu imaluunniit pinngitsaaliissummik allamik atuilersinnani, taava napparsimasooq pinngitsaaliissummik iliuuseqarnissaaq pilersaarutigineqartoq pillugu, taassuma sukumiinerusumik suuneranik, tunngavigineqartumik aamma siunertaanik ilisimatinneqassaaq, taamaattorli tak. imm. 2.

Imm. 2. Taamaattorli, pinngitsaaliissummik sukaterussinerup aamma nukit atorlugit pissaanermik atuinerup atorneqarnerini, tak. §§ 21-25, immikkut pilertortumik iliuuseqartoqartariaqartillugu ilisimatitseqqaarnissaaq pinngitsoorneqarsinnaavoq. Iliuuseqarnerup aallartinneqarneranut tunngavilersuutigineqartoq tamatuma kingornatigut napparsimasumut ilisimatitsisutiginneqassaaq.

§ 5. Napparsimasup nammineq kajumissutsiminik peqataanissaa anguniarlugu sapinngisamik iliuuseqartoqareertinnagu pinngitsaaliissummik iliuuseqarneq atorneqassanngilaq. Pissutit tunngavigalugit tamanna ajornangippat napparsimasooq piffissamik naleqquttumik sivisususeqartumik eqqarsarfissaqartinneqassaaq.

Imm. 2. Pinngitsaaliissummik atuneq taamak iliuuseqarnikkut anguniarneqartumut naammaginarumik naleqqutissaaq. Qanoq iliuuseqarnerit annikinnerusumik sunniuteqartut naammappata taava taakku atorneqassapput.

Imm. 3. Pinngitsaaliissummik iliuuseqarneq sapinngisamik qajassuartumik ingerlanneqassaaq aamma sapinngisamik annertunerpaamik napparsimasumik qajassuussilluni, taamaaliornikkut kanngunarsaasinnaaneri imaluunniit pisariaqanngitsumik ajoqusiisinaaneri pinngitsoorniarlugit.

§ 6. Aalajangersakkat ukunaniittut § 1, imm. 2, § 10, imm. 2, § 11, imm. 1 aamma 2, § 12, imm. 1, § 13, § 14, imm. 2, § 15, imm. 2, § 22, imm. 2 aamma 3, § 30, § 32, imm. 1 aamma 3 aammattaaq § 34, imm. 2-miittut akornutaassanngillat nakorsaanerup peqannginnerani tarnikkut napparsimasunut immikkoortortaqarfimmi nakorsap allap aalajangiinissaanut. Taamatut pisoqartillugu nakorsaanerup piaarnerpaamik kingusinnerpaamillu nalunaaquttap akunneri 24-t qaangiuppata aalajangiineq isummerfigissavaa.

Imm. 2. Nakorsaanerup qanoq isummersimanera pinngitsaaliisummik iliuuseqarnerit pillugit allattaavimmut allanneqassaaq.

Kapitali 3

Nammineersinnaajunnaarsitsineq

Ataatsimut isigalugu

§ 7. Pinngitsaaliisummik napparsimavimmut unitsitsineq, tak. § 8-10, imaluunniit pinngitsaaliisummik uninngatitsitsineq, tak. § 11 taamaallaat pisinnaapput napparsimasoq pineqartoq silanngajaarpat imaluunniit tamatumunnga sanilliunneqarsinnaasumik pissuseqarpat, kii-salu pineqartup nakorsarneqarnissaa siunertaralugu nammineersinnaajunnaarsinneqannginnissaa illersorneqarsinnaanngippat, makku pissutigalugit:

- 1) qanoq issusiata ajorunnaarsinneqarnissaata ilimanassusia imaluunniit malunnaateqartumik aamma pingaaruteqartumik taamak iliortoqanngippat peqqissiarturnera malunnartumik ajornerulissammat, imaluunniit
- 2) pineqartup imminut navianartorsiortissinnaanera imaluunniit allanik navianartorsiortitsissinnaanera qanittutut aamma malunnartutut kinguneqarsinnaasutut isigineqarpat.

Napparsimmavimmut pinngitsaaliisummik unitsitsineq

§ 8. Inuk silanngajaartutut isigineqarsinnaasooq nammineq nakorsarneqarnissaminik pisariaqartumik ujartuinngippat, qanigisaasut nakorsamik aggersaanissaq siunertaralugu peqqinnissaqarfimmut attaviginnissallutik pisussaapput.

Imm. 2. Qanigisaasut peqqinnissaqarfik attaviginngippassuk, tak. imm. 1, politiit taamaaliormissaq pisussaaffigivaat.

Imm. 3. Nakorsap aggersarneqartup misissuineq paasissutissallu pissarsiarineqartut tunngavigalugit tarnimikkut napparsimasunut immikkoortortaqarfimmut unitsitsinissaq pisariaqarnersoq nalilissavaa. Napparsimasup paasissutissinneqareernikkut isumaqataalluni taamatut unitsinneqarnissani akuerinngippagu nakorsap napparsimavimmut pinngitsaaliisummik unitsitsineq pisariaqarnersoq aalajangissavaa.

Imm. 4. Napparsimavimmut pinngitsaaliisummik unitsitsineq pissaaq § 7-imi piunasaqaa-taasut eqqortinneqarpata. Nakorsaq tamanna pillugu uppersaammik allagaqassaaq, tak. 9, imm. 2.

§ 9. Napparsimavimmut pinngitsaaliisummik unitsitsinissap aallartinneqarnissaa pillugu politiit aalajangersaassapput taamaaliorqarneranilu ikiuullutik.

Imm. 2. Napparsimavimmut pinngitsaaliisummik unitsitsineq taamaallaat naammassineqarsinnaavoq nakorsamit uppersaasut tunngavigalugu, napparsimavimmut unitsitsinissaq taan-narpiaq naammassiniarlugu nakorsap nammineq misissuisimanera tunngavigineqassaaq.

Dronning Ingridip Napparsimavissuani tarnikkut nappaatilinnut immikkoortorta qarfianni, napparsimavimmut pinngitsaaliissummik unitsitsiviusussami, nakorsamit sulisumit uppernarsaat allanneqarsimassanngilaq. Taamatuttaaq uppernarsaat nakorsamit attuumassuteqarpallaarneq pissutigalugu suliameq qataasinnaanngitsumit allanneqarsimassanngilaq. Tamatuma saniatigut uppernarsaat nakorsamit attuumassuteqarpallaarneq pissutigalugu suliameq qataasinnaanngitsumit allanneqarsimassanngilaq. Pisortat ingerlatsineranni suliassat sularineqartarnerat pillugu inatsimmi § 3-mi taaneqartut suliameq qataasinnaannginneq atuuppoq.

Imm. 3. Napparsimavimmut pinngitsaaliissummik § 7, imm. 2, naapertorlugu unitsitsinermi nakorsap misissuina ulloq unnuallu kingulliup ingerlanerani pisimassaaq, kiisalu napparsimavimmut pinngitsaaliissummik § 7, nr. 1, naapertorlugu unitsitsinermi, unitsitsineq sioqqullugu ullut kingulliit arfineq marluk ingerlanerani pisimassalluni.

§ 10. Napparsimavimmut pinngitsaaliissummik § 7, nr. 2 naapertorlugu unitsitsinermi napparsimasoq peqqinnissaqarfimmit ingerlaannartumik isumagineqalissaaq. Napparsimavimmut pinngitsaaliissummik § 7, nr. 1 naapertorlugu unitsitsinermi napparsimasoq sapinngisamik piaarnerpaamik peqqinnissaqarfimmit isumagineqalissaaq, tassa kingusinnerpaamik piffissaritaasut ullut arfineq marluk, § 9, imm. 3-mi taaneqartut, qaangiutinnginnerini.

Imm. 2. Dronning Ingridip Napparsimavissuata tarnikkut nappaatilinnut immikkoortorta qarfianni nakorsaanerup napparsimavimmut pinngitsaaliissummik unitsitsinermit piumasaqaatit eqqortinneqarnersut aalajangiiffigissavaa.

Imm. 3. Naalackersuisut napparsimavimmut pinngitsaaliissummik unitsitsisarnerit naammassiniarlugit periaatsit qanoq ingerlanneqartarnissaannut maleruaqqusanik sukumiinerusunik aalajangersaassapput. Maleruaqqusat politiit peqataasarnerannut tunngasut pillugit Danmarkimi Justitsiministeriap akuersissuteqarneratigut aalajangersarneqassapput.

Napparsimavimmut pinngitsaaliissummik uninngatitsineq

§ 11. Inummik, Dronning Ingridip Napparsimavissuani tarnikkut nappaatilinnut immikkoortorta qarfianni uninngatinneqartumik pinngitsaaliissummik uninngatitsinissaq pisinnaavoq, nakorsaanerup § 7-imi piumasaqaataasut eqqortinneqarsimasutut nalililerpagit.

Imm. 2. Napparsimasumit Dronning Ingridip Napparsimavissuata tarnikkut nappaatilinnut immikkoortorta qarfianni uninngasumit angerlartinneqarnissamik noqqaassut saqqummiunneqarpat nakorsaanerup sapinngisamik piaarnerpaamik noqqaassutillu saqqummiunneranit naatsorsorlugu kingusinnerpaamik nalunaaquttap akunneri 24-t qaangiutsinnagit napparsimasoq angerlartinneqarsinnaanersoq imaluunniit pinngitsaaliissummik uninngatinneqassanersoq nalunaaquttap. Pinngitsaaliissummik unitsitsisoqarneranit imaluunniit § 1, imm. 2 naapertorlugu unitsitsinerup aallartinneranit naatsorsorlugu ullup unnuallu ataatsip ingerlanerani Dronning Ingridip Napparsimavissuata tarnikkut nappaatilinnut immikkoortorta qarfianni angerlartinneqarnissamik noqqaassut saqqummiunneqarpat nakorsaanerup aalajangiinera pinngitsaaliissummik unitsitsinermit naatsorsorlugu nalunaaquttap akunnerisa 48-t ingerlanerini

napparsimasumut tamanna nalunaarutigineqassaaq. Noqqaassut napparsimasumut siunnersortimit saqqummiunneqarsimappat, tak. kapitali 8 aamma 9, taava aamma taanna nalunaarfigineqassaaq.

Oqqussineq

§ 12. Pinngitsaaliissummik napparsimavimmut unitsinneqarsimasup imaluunniit pinngitsaaliissummik uninngatinneqarallartup Dronning Ingridip Napparsimmavissuata tarnikkut nappaatilinnut immikkoortortaarfia imaluunniit § 1, imm. 2 naapertorlugu pinngitsaaliissummik unitsitsinermi peqqinnissaqarfiup immikkoortortaarfia alla qimassimappagu pineqartorlu nammineq kajumissutsiminik utersimanngippat Dronning Ingridip Napparsimmavissuata tarnikkut nappaatilinnut immikkoortortaarfianni nakorsaaneq pineqartup immikkoortortaarfimmut politiit ikiortigalugit oqqunneqarnissaanik aalajangiisinaavoq. Taamatut oqqussineq taamaallaat pisinnaavoq takkutinngitsoornerup paasineqarneranit sapaatit akunnerata ataatsip qaangiunnera tikillugu. Pineqartoq aninermi kingornatigut takkutinngitsoorsimappat taamatutaaq oqqussinissamut piunnaasaqataavoq ullut unnuallu pingasut sinnerlugit anisimasinnaanermik akuersissuteqartoqarsimannginnera.

Imm. 2. Naalakkersuisut oqqussinermut atatillugu qanoq periaaseqartoqarnissanik sukumii-nerusunik maleruaqqusanik aalajangersaasinaapput, tassa politiit peqataatinneqarnerannut atatillugu Danmarkimi Justitsiministeriaqarfiup akuersissuteqarnerata kingornatigut.

Nammineersinnaajunnaarsitaanerup atorunnaarsinneqarnera

§ 13. Nakorsaanerup § 7-imi piunnaasaqataasut atuukkunnaarsimasut paasiguniuk taava nammineersinnaajunnaarsitsineq ingerlaannartumik unitsinneqassaaq.

Imm. 2. Nammineersinnaajunnaarsitsineq atuukkunnaarpat taava tamanna pillugu napparsimasooq napparsimasumullu siunnersorti ingerlaannaq nalunaarfigineqassapput.

Kapitali 4

Pinngitsaaliissummik nakorsaasoqartarnera

§ 14. Pinngitsaaliissummik nakorsaasoqarnera taamaallaat inunnut napparsimavimmi pinngitsaaliissummik uninngatitsineqarnissamut piunnaasaqatinik naammassinnissimasunut, tak. § 11, atorneqarsinnaavoq.

Imm. 2. Pinngitsaaliissummik nakorsaasoqassanersoq Dronning Ingridip Napparsimmavissuata tarnikkut nappaatilinnut immikkoortortaarfianni nakorsaanerup aalajangiiffigissavaa.

Tamatumunnga ilutigitillugu nakorsartinnerup naammassineqarnissaanut pisariaqartitsineq naapertorlugu qanoq annertutigisumik nukiit atorlugit pissaanermik atuisoqassanersoq nakorsaanerup aalajangersaavigisinnaavaa.

Imm. 3. Pinngitsaaliissummik nakorsarneqarnerit taamaallaat Dronning Ingridip Napparsimavissuani tarnikkut nappaatilinnut immikkoortorta qarfianni aallartinneqarsinnaapput aamma ingerlanneqarsinnaapput, tak. § 1, imm. 1.

Imm. 4. Pinngitsaaliissummik nakorsaatitortitsinermit nakorsaatit misilittarneqareersimasut nalinginnaasumik annertussilerlugit aamma sapinngisamik ikinnerpaanik peruluutaasunik saniatigut sunniuteqartartut atorneqassapput.

Imm. 5. Pinngitsaaliissummik innaallagialu atorlugit sianiutinik sunniineq taamaallaat aallartinneqassaaq, napparsimasup piumasagaatit imm. 1-imiittut naammassisimappagit, kiisalu piffissami tassanerpiaq inuunera navianartorsiorluni imaluunniit navianartorsiorsinnaalluni inisi-simappat.

Imm. 6. Pinngitsaaliissummik nakorsaasoqarnissaanik nakorsaanerup imm. 2 naapertorlugu aalajangiinissaa sioqqullugu napparsimasoq eqqarsarfissaqartinneqassaaq, tassani eqqarsaatigissallugu napparsimasup nammineq nakorsarneqarnissamut akuersissuteqarnissani kissaatiginerlugu. Piffissaq eqqarsarfissaqartitsiviusoq naammaginartumik sivisussuseqassaaq, taamaattorli sivisunerpaamik ulluni pingasuni.

Imm. 7. Aalajangersagaq manna naapertorlugu pinngitsaaliissummik nakorsaasoqarnissaa pillugu Naalakkersuisut sukumiinerusunik maleruaqqusaliussapput.

§ 15. Inuk nammineersinnaajunnaarsinneqarnissamut piumasagaatinik naammassinnittoq, tak. § 7, ilisimatinneqareersimanerlu tunngavigalugu timimigut anniaatigisami nakorsarneqarnissaanut akuersissuteqanngitsoq, anniaatigisaa taanna pinngitsaaliissummik nakorsarneqartussanngortinneqarsinnaavoq imaappat anniaatigisaata napparsimasup inuunera imaluunniit peqqissusia malunnaateqarluartumik navianartorsiortillugu. Napparsimasoq Dronning Ingridip Napparsimavissuani tarnikkut nappaatilinnut immikkoortorta qarfianni uninngasuutigineqariinngippat, aammattaaq pinngitsaaliissummik nakorsarneqarnissaanut aalajangersagaq taanna naapertorlugu piumasagaataavoq, tamanna sioqqullugu pinngitsaaliissummik napparsimavimmuut unitsinneqarnissaa pillugu uppersaammik suliaqartoqarsimanera, tak. § 9, imm. 2, kiisalu Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup pinngitsaaliissummik napparsimavimmuut unitsitsisoqarnissaanut piumasagaatit naammassineqarsimanerat pillugu aalajangersaasimassasoq, tak. § 10, imm. 2.

Imm. 2. Pinngitsaaliissummik nakorsartinneqarnissamut, imm. 1-imi taaneqartoq pillugu aalajangiineq, timikkut nappaatinut immikkoortorta qarfimmi pineqartumi nakorsaanermit, Dronning Ingridip Napparsimavissuani tarnikkut nappaatilinnut immikkoortorta qarfianni nakorsaneq isumasioqatigereerlugu, aalajangerneqassaaq. Pisariaqarpat nakorsarneqarneq timikkut nappaatinut immikkoortorta qarfimmi ingerlanneqarsinnaavoq.

Imm. 3. Aalajangersagaq manna naapertorlugu pinngitsaaliissummik nakorsaasoqarnissaa pillugu Naalakkersuisut sukumiinerusunik maleruaqqusaliussapput.

Kapitali 5

Napparsimavimmit angerlartitsinerup kingornatigut malinnaaffiginnineq

§ 16. Dronning Ingridip Napparsimavissuani tarnikkut nappaatilinnut immikkoortorta qarfianni nakorsaanerup napparsimavimmit angerlartinneqarnerup kingornatigut napparsimasup aamma tarnimikkut napparsimasunut immikkoortorta qarfiup aammattaaq oqartussaasut attuumassutillit, peqqinnissamik suliallit il.il., napparsimasup nakorsarneqarnissaminut aamma isumaginninnikkut neqeroorutinut tunngasut pillugit akornanni isumaqatigiissusiortoqarnissaa akisussaaffigaa, tassa napparsimasut napparsimavimmit angerlartinneqarnermik kingornatigut napparsimasup peqqissusianut pisariaqartunik nakorsarneqarnissaminnik imaluunniit isumaginninnikkut neqeroorutinik namminneq ujartuisinnaanngitsutut ilimagineqarsinnaasunut tunngatillugu.

Imm. 2. Napparsimavimmit angerlartitsinermut isumaqatigiissutinik Nunatsinni Nakorsaaneqarfimmut nalunaarsuisarneq aamma nalunaaruteqartarneq pillugit maleruaqqusanik Naalakkersuisut aalajangersaassapput. Tassunga atatillugu nalunaaruteqartarnerni napparsimasup kinaassusianik paasissutissat ilanngunneqartarnissaat pillugit Naalakkersuisut maleruaqqusanik aalajangersaasinnaapput.

§ 17. Napparsimasoq § 16-imi ilaatinneqartoq napparsimavimmit angerlartinneqarnermi isumaqatigiissummik isumaqatigiissuteqarusunngippat, taava nakorsaanerup tarnimikkut napparsimasunut immikkoortorta qarfiup oqartussaasut attuumassutillit, peqqinnissamik suliallit il.il. suleqatigalugit napparsimasup nakorsarneqarnissaanut aamma isumaginninnikkut neqeroorutit pillugit ataqatigiissakkamik pilersaarusiunneqarnissaa akisussaaffigaa.

Imm. 2. Pilersaarutinik ataqatigiissakkanik Nunatsinni Nakorsaaneqarfimmut nalunaarsuisarneq aamma nalunaaruteqartarneq pillugit maleruaqqusanik Naalakkersuisut aalajangersaassapput. Tassunga atatillugu nalunaaruteqartarnerni napparsimasup kinaassusianik paasissutissat ilanngunneqartarnissaat pillugit Naalakkersuisut maleruaqqusanik aalajangersaasinnaapput.

§ 18. Tarnimikkut napparsimasunut immikkoortorta qarfiup napparsimasup inuunermini atugarisanut tunngasut paasissutissat oqartussaasunut allanut, peqqinnissamik sullissisunut il.il. ingerlateqqissinnaavai, ingerlatsitseqqinneq tamanna napparsimavimmit angerlartinneqarnermi isumaqatigiissummik isumaqatigiissuteqarnissamut imaluunniit ataqatigiissakkamik pilersaarutip nakkutigineqarneranut aamma eqqortinneqarneranut pisariaqartutut isigineqarpat.

Imm. 2. Taamatuttaaq annertutigisumik soorlu imm. 1-imitut oqartussaasut, peqqissutsikkut sullissisut assigisaallu napparsimasup inuunermini atugai pillugit paasissutissat tarnimikkut napparsimasunut immikkoortorta qarfiup oqartussaasunullu allanut kiisalu peqqissutsikkut sullissisunut il.il. ingerlateqqissinnaavaat.

§ 19. Dronning Ingridip Napparsimmavissuata tarnikkut nappaatilinnut immikkoortortaqarfianni nakorsaaneq aalajangersinnaavoq napparsimasup angerlartinneqannginnerani angerlartitsinerup kingornatigut pinngitsaaliissummik malinnaaffiginnittoqassasoq unitsitsineq tunngavigalugu napparsimasup angerlartinneqarnermi kingornatigut nakorsarneqarneq napparsimasup peqqissutsiminut pisariaqartoq maleruarunnaassagaa tunngavissaqartumik ernumagineqarpat aamma aarlerigineqarpat, kiisalu

1) napparsimasoq unitsinneqarnini sioqqullugu ukiut pingasut kingulliit napparsimavimmut pinngitsaaliissummik unitsinneqarsimappat imaluunniit pinngitsaaliissummik uninngatinneqarsimappat,

2) napparsimasoq napparsimavimmut unitsinneqarnini taannarpiaq sioqqullugu ukiut pingasut kingulliit ikinnerpaamik ataasiarluni nakorsarneqarnermik, napparsimavimmit angerlartitsinermi isumaqatigiissummi imaluunniit ataqatigiissakkamik pilersaarummi allassimasumik, maleruaasimanngippat, aamma

3) napparsimasoq unitsinneqarnerminut atatillugu napparsimavimmut pinngitsaaliissummik unitsinneqarsimappat pinngitsaaliissummilluunniit tiggummigallarneqarsimappat.

Imm. 2. Nakorsaanerup angerlartitsinerup kingornatigut pinngitsaaliissummik malinnaaffiginninnissamik aalajangiussaa napparsimasup peqqinnissaqarfiup immikkoortortaasa ilaannut ataatsimut nakorsaatitortarnissaanik taamaallaat imaqarsinnaavoq.

Imm. 3. Napparsimasoq nakorsaatitortarluni aggingippat, tak. imm. 2 nakorsaanek aalajangersinnaavoq napparsimasoq politiinit aaneqassasoq peqqinnissaqarfiullu immikkoortortaasa ilaanni ataatsimi pinngitsaaliissummik nakorsaatitortinneqassasoq. Aallernermi sapinngisamik peqqinnissamik sulialik najuutissaaq.

Imm. 4. Angerlartitsinerup kingornatigut pinngitsaaliissummik malinnaaffiginninnermut atatillugu nakorsaatit, taakkua napparsimasumut qanoq sunnuteqartarneri nakorsaanermit ilisimaneqassallutit, tassunga ilanngullugit nakorsaatit sivisuumik sunnuteqartartut atorneqasapput.

Imm. 5. Angerlartitsinerup kingornatigut pinngitsaaliissummik malinnaaffiginninnissaq napparsimasumik angerlartitsinerup kingornatigut qaammatit pingasut tungaannut atuussinnaavoq, taamaattorli tak. imm. 6.

Imm. 6. Piffissarititaasut qaammatit pingasut qaangiunnerini, tak. imm. 5, napparsimasup nakorsarneqarnerminik peqqissutsiminut pisariaqartumik maleruaajunnaarnissaa tunngavissaqartumik naatsorsuutigineqarsinnaappat aarleqqutigineqarlunilu nakorsaanek aalajangersinnaavoq angerlartitsinerup kingornatigut pinngitsaaliissummik malinnaaffiginninneq qaammatinik pingasukkaartunik sivitsorneqassasoq, taamaattorli napparsimasoq angerlartinneqarnermi kingornatigut sivisunerpaamik qaammatit aqqaneq marluk tungaannut pinngitsaaliissummik malinnaaffigineqarsinnaavoq.

§ 20. Angerlartitsinerup kingornatigut pinngitsaaliissummik malinnaaffiginninnermut, tassunga ilanngullugu Danmarkimi Justitsiministeriaqarfiup akuersineratigut napparsimasumik,

nammineq kajumissutsiminik nakorsaatitortunngitsumik aallernermi politiit peqataanis-
saannut kiisalu peqqinnissamik sullissisup tamatumunnga ilaananut maleruaqqusanik Naa-
lakkersuisunit aalajangersaassapput.

Kapitali 6

Sukaterussineq il.il.

Pinngitsaaliisummik sukaterussineq

§ 21. Pinngitsaaliisummik sukaterussinermi qiterut, paffinnut aamma singernernut ungeru-
tit kiisalu aaqtatit taamaallaat atornerqarsinnaapput.

Imm. 2. Pinngitsaaliisummik sukaterussineq taamaallaat atornerqarsinnaavoq napparsima-
sup ima iliornissaa pitsaaliorneqartariaqarpata:

- 1) imminut ajoqusersinnaanera imaluunniit allanik timaasigut imaluunniit peqqissusiisigut
ajoqusiisinnaanera ilimanarluinnarpat,
- 2) napparsimasoqatiminik malersuinissaa imaluunniit assigisaanik peqqarniitsumik ajortumik
pinissaa, imaluunniit
- 3) annikigisassaangitsumik aserorterinissaa.

§ 22. Nakorsap napparsimasumik misissuinermi kingornatigut pinngitsaaliisummik sukate-
russinermik aalajangiisoqassanersoq aalajangissavaa, taamaattorli tak. imm. 2.

Imm. 2. Taamaattorli qiterutip saniatigut paffinnut aamma singernernut ungerutit kiisalu
aaqqatit atornerqassanersut Dronning Ingridip Napparsimmavissuata tarnikkut nappaatilinnut
Immikkoortortaqarfianni nakorsaanerup aalajangissavaa.

Imm. 3. Peqqinnissaqarfiup immikkoortortaasa ilaanni pinngitsaaliisummik sukaterussiner-
ni nalunaaquttap akunnerinik aqqaneq marlunnik sivisussuseqartussatut imaluunniit
sivisunerusinnaasutut naatsorsuutigineqarsinnaasunut tunngatillugu sukaterussinerup atuu-
tiinnarneqarnissaa Dronning Ingridip Napparsimmavissuata tarnikkut nappaatilinnut Immik-
koortortaqarfianni nakorsaanermit aalajangerneqassaaq.

Imm. 4. Pisuni soorlu § 21, imm. 2, nr. 1-imi taaneqartuni napparsimasup nammineq ima-
luunniit allat isumannaatsuunissaat eqqarsaatigalugit nakorsap misissuinissaata utaqqinissaa
illersorneqarsinnaangippat, peqqissutsimik sullissisut namminneq aalajangersinnaavaat pine-
qartup qiterummik sukaterunneqarnissaa. Taamaattoqartillugu nakorsaq ingerlaannartumik
aggersarneqassaaq kiisalu qiterut atorlugu sukaterussineq pillugu aalajangersaalluni.

§ 23. Napparsimasoq pinngitsaaliisummik qiterummik aalajangerlugu sukaterunneqartoq
aalajangersimasumik paarsisoqassaaq, taanna taamatut suliaqarnissaminut piginnaaneqassaaq.

Nukiit atorlugit pissaanermik atuineq

§ 24. Inuk peqqinnissaqarfiup immikkoortoqarfiisa arlaanni uninngasoq uninngatinneqarsinnaavoq kiisalu pisariaqarpat pissaaneq atorlugu immikkoortorta qarfimmuq uninngatitsivimmuq allamut ingerlanneqarluni, § 21, imm. 2-mi piumasaaqatit eqquutsinneqarpata. Inunnut kapitali 3-mi maleruaqqusat naapertorlugit nammineersinnaajunnaarsinneqarsimasunut pissaaneq pisariaqartoq ator neqarsinnaavoq, taakkua immikkoortorta qarfimmi sulii uninnganissaat qulakkeerniarlugu.

§ 25. Napparsimasup annertuumik eqqissiviitsutut pissuseqartup pitsanngoriaateqarnissaanut pingaaruteqartumik sunniuteqassapat, taava nakorsaq aalajangiisinnaavoq pisariaqartillugu napparsimasup pissaanermik atuilluni eqqissisaammik nakorsaatitortinneqarnissaanik.

Sernissuiniarluni sukaterussineq

§ 26. Sernissuiniarluni sukaterussineq tassaavoq napparsimasup taama piniangikkaluarluni imminut annertuumik navianartorsiortinnissaa pinngitsoortinniarlugu ator neqarsinnaasunik sunilluunniit atuineq.

Imm. 2. Nakorsaq napparsimasumik misissuereerpat aamma sernissuiniarluni sukaterussinissamut atugassaq pillugu sukumiinerusumik aalajangersaareerpat taamaallaat sernissuiniarluni nikitsaaliuilluni aalajangiisoqarsinnaavoq.

*Inummik immikkut nakkutiginninneq aamma
immikkoortorta qarfimmi matunik parnaarsuineq*

§ 27. Inatsisartut inatsisaanni matumani inummik aalajangersimasumik nakkutiginninneq tassaavoq sulisup ataatsip sulisulluunniit arlallit napparsimasup eqqaanniinnerat.

Imm. 2. Aalajangersimasumik nakkutiginninneq, napparsimasup akuerinngisaa, taamaallaat ator neqarsinnaavoq napparsimasup ima iliornissaa pitsaaliorniarlugu:

- 1) imminut toqunissaa imaluunniit nammineq peqqissutsiminik allaluunniit peqqissusaanik annertuumik ajoquusiinissaa, imaluunniit
- 2) uninngaqatigisaminik allanilluunniit malersuinissaa allatulluunniit peqqarniitsumik ajoquusiisinaanera.

Imm. 3. Nakorsap napparsimasooq misissoreerlugu aalajangersimasumik nakkutiginnittoqasannersooq aalajangissavaa.

§ 28. Napparsimasooq immikkoortorta qarfimmuq unitsinneqarnerminut atatillugu immikkoortorta qarfiup peqqusersorneqarnera pillugu ilisimatinneqassaaq, tamatumunnga ilanngulugit immikkoortorta qarfimmi immikkoortut mikinerusut matui parnaarneqarsinnaassut, tassa immikkoortorta qarfimmi immikkoortunik mikinerusunik peqarpat.

§ 29. Nakorsaq immikkoortortaqarfimmi matut parnaarneqarnissaat pillugu aalajangersinnaavoq, taamaattorli napparsimasut inaannut matut pinnagit, makkununga tunngasut:

- 1) napparsimasut kapitali 3 naapertorlugu nammineersinnaajunnaarsinneqarsimasut, kiisalu
- 2) napparsimasunut siunertarinngisaminnik imminnut annertuumik ajoqusernissaminnut navianartorsiortittunut, tak. § 24.

Imm. 2. Taamatutaaq nakorsaq matut parnaarneqarnissaat pillugu aalajangersinnaavoq, taamaattorli napparsimasut inaannut napparsimasumut imm. 1-imut ilaatinneqanngitsumut, napparsimasumit namminermit tamanna noqqaassutigineqarpat taakku pinnagit. Napparsimasoq noqqaassuteqarpat parnaarsimatitsineq ingerlaannartumik atorunnaarsinneqassaaq.

Imm. 3. Napparsimasut immikkoortortaqarfimmiittut tamarmik ingerlaannartumik ilisimatinneqassapput imm. 1 aamma 2 naapertorlugit parnaarsuiniarluni aalajangertoqarnerata kinguninnguutigut.

Pinningsaaliissut atorlugu eqqiluisaartitsineq

§ 30. Dronning Ingridip Napparsimavissuani tarnikkut nappaatilinnut immikkoortortaqarfianni nakorsaanerup aalajangersinnaavaa, napparsimasoq tarnimigut napparsimanini pissutigalugu pisariaqartumik immiinnut eqqiluisaarnissaminut isumaginnissinnaanngitsumik, pinningsaaliissummik atuilluni eqqiluisaarneqarnissaanut, tamanna napparsimasoq nammineq eqqarsaatigalugu imaluunniit napparsimasoqatai imaluunniit sulisut eqqarsaatigalugu pisariaqarpat.

Pisinnaatitsisoqarnissaanut aalajangersagaq

§ 31. Pinningsaaliissummik sukaterussineq, nukiit atorlugit pissaanermik atuneq, sernissuiniarluni pinningsaaliissummik sukaterussineq, immikkut nakkutiginninneq, immikkoortortaqarfimmi matunik parnaarsuineq kiisalu pinningsaaliissummik inunnik eqqiluisaartitsineq pillugit Naalackersuisut sukumiinerusumik maleruaqqusalussapput.

Kapitali 7

Allagarsianik/nassiussarsianik, pigisanik timilu satsillugu misissuisarneq aammattaaq pigisanik arsaarinnissuteqartarneq aamma suujunnaarsitsineq

§ 32. Tunngavissalimmik pasitsaassisoqarpat nakorsaatinik, aanngajaarniutinik imaluunniit atortunik navianartunik napparsimasumut eqqunneqarsimasut imaluunniit eqqunniarneqartut, taava Dronning Ingridip Napparsimavissuani tarnikkut nappaatilinnut immikkoortortaqarfianni nakorsaaneq aalajangersinnaavoq:

- 1) napparsimasumut allakkat/nassiussat ammarneqarlutik misissorneqassasut,
- 2) napparsimasup inaa pigisaalu misissorneqassasut imaluunniit

3) napparsimasoq timaatigut satsillugu misissorneqassasoq. Timip ammarngisa misissorneqar-nissaat inerteqqutaavoq.

Imm. 2. Napparsimasup allagarsiaanik/nassiussarsiaanik aamma napparsimasup inaanik kii-salu pigisaanik misissuinermit sapinngisamik napparsimasup najuunnerani tamakku ingerlan-neqartassapput.

Imm. 3. Nakorsaaneq aalajangersinnaavoq nakorsaaitit, aanngajaarniutit aamma atortut navi-anartut imm. 1 naapertorlugu misissuinermit nassaarineqartut paarineqarnissaannik. Atortut il.il. napparsimasumit pigineqartut inatsisunik nalinginnaasunik unioqqutitsisumik, tamatu-munnga ilanngullugit aanngajaarniutit pillugit inatsimmik aamma sakkut pillugit inatsimmik, nakorsaanermit politiinut tunniunneqassapput.

Imm. 4. Naalackersuisut allagarsianik/nassiussarsianik, napparsimasut inaanik aamma pi-gisaannik misissuinermit, timimik satsaanermit aammattaaq arsaarinnissuteqarnermit kiisalu atortunik suujunnaarsitsinermit tunngatillugu sukumiinerusumik maleruaqqusanik aalajanger-saassapput.

Kapitali 8

Pinngitsaaliissutinik atorineqartunik allattuisarneq aamma pinngitsuugassaannigitsumik nali-lersueqqinneq

§ 33. Pinngitsaaliissummik atuinerit tamavimmik, tak. §§ 7-12, § 14, naapertorlugit pinngit-saaliissummik malinnaaffiginninnerit § 19, aamma §§ 21-25, nakorsaaitissanik innersuussineq sunaluunniit § 26 tunngavigalugu, § 27, tassani pineqarpoq inummik immikkut nakkutiginnin-neq, atasuinnarmik nal. akunneri 24 sinnerlugit sivisussuseqartoq aamma § 29, taakkua im-mikkoortorta qarfiup pinngitsaaliissummik atuinermit allattaavissuanut ilanngunneqassapput iliuseqarnerup suunera aamma tunngavilersuut sukumiisumik allallugit. Immikkoortorta qar-fiup pinngitsaaliissummik atuinermit allattaavissuanut ilanngunneqartoq taamatutaaq nap-parsimasoq pillugu allattaavimmut assilillugu ilanngunneqassaaq.

Imm. 2. Naalackersuisut pinngitsaaliissummik atuinerit allattuinnissat pillugit aammattaaq Nunatsinni Nakorsaaneqarfimmut pinngitsaaliissutit atorineqartut pillugit nalunaarsuinermit kiisalu nalunaaruteqartarnermit tunngatillugu sukumiinerusumik maleruaqqusalissapput. Ta-matumunnga atatillugu Naalackersuisut maleruaqqusanik aalajangersaasinnapput nalunaaru-teqartarnermi napparsimasup kinaassusia ilanngullugu paasissutissiissutigineqassanersoq.

§ 34. Dronning Ingridip Napparsimavissuani tarnikkut nappaatilinnut immikkoortorta qarfi-anni nakorsaanerup pisussaaffiguarpa nakkutigissallugu, nammineersinnaajunnaarsitsinerup aamma pinngitsaaliissummik allamik atuneq Inatsisartut Inatsisaanni matumani maleruaqqu-sat naapertorlugit atorineqartut pisariaqanngitsumik annertunerusumik atorineqannginnissaat.

Imm. 2. Nammineersinnaajunnaarsitsinerup naliliivigeqqinnissaanut atatillugu nammineer-sinnaajunnaarsitsinerup aallartinneqarnerata kingornatigut ullut pingasut, qulit, 20-t aamma

30-t qaangiunnerini tamatumalu kingornatigut minnerpaamik sapaatit akunnerisa sisamat qaangiunnerini, nammineersinnaajunnaarsitsinerup suli atuutsinneqarnerani, piumasaqaatinut naapertuuttumik pissutsit suli atuunnersut nakorsaanerup nakkutigisassaraa. Nalileeqqinnerup taassuma inenera pinngitsaaliissuteqarnernik nalunaarsuiffimmut ilanngunneqassaaq.

Imm. 3. Nammineersinnaajunnaarsitsinerup atuutsiinnarneqarneranik aalajangiineq pillugu napparsimasumut siunnersorti aamma napparsimasoq nalunaarfigineqartussaapput.

Imm. 4. Sernissuiniarluni sukaterussinerup suli atuinneqarnissaanut apeqquut, pissutsit taamaattussaatisinerat tunngavigalugu, nakorsamit sapinngisamik akuttunngitsumik nalilersoqqinneqartassaaq, taamaattorli sernissuiniarluni sukaterussinerup aalajangerneqarnerata kingornatigut minnerpaamik ullut pingasut, qulit, 20-t aamma 30-t qaangiunneranni, kiisalu tamatuma kingornatigut minnerpaamik sapaatit akunneri sisamakkaarlugit, taamatut peqqusinerup atuutsinneqarnera tamakkerlugu.

Imm. 5. Pinngitsaaliissummik sukaterussinerup atuutsinneqarnera tamakkerlugu, suli pinngitsaaliissummik sukaterussinerup atuinneqarnissaanut apeqquut, pissutsit taamaattussaatisinerat tunngavigalugu, nakorsamit sapinngisamik akuttunngitsumik nalilersorneqaaqqittassaaq, taamaattorli minnerpaamik ullup unnuallu ingerlanerani ataasiarluni.

Kapitali 9

Napparsimasunik siunnersuisartut

§ 35. Napparsimasumut siunnersortimik toqqaasoqassaaq inummut kimulluunniit, imatut pineqartumut:

- 1) napparsimavimmut pinngitsaaliissummik unitinneqartumut,
- 2) napparsimavimmi pinngitsaaliissummik uninngatinneqartumut,

Imm. 2. Taamatuttaaq napparsimasumut siunnersortimik toqqaasoqassaaq inummut kimulluunniit imatut pineqartumut:

- 1) pinngitsaaliissummik nakorsarneqartumut,
- 2) napparsimavimmit angerlartinneqarnerup kingornatigut pinngitsaaliissummik malinnaaffigineqartumut,
- 3) pinngitsaaliissummik sukaterunneqartumut,
- 4) timi atorlugu pissaanermik atuiffigineqartumut,
- 5) pissaaneq atorlugu nakorsaammik eqqissaatitortinneqartumut,
- 6) sernissuiniarluni sukaterussineqartumut,
- 7) nalunaaquttap akunnerinit 24-nit sivisunerusumik inummik immikkut nakkutigineqartumut, kiisalu
- 8) immikkoortorta qarfirmi matunik paarnaasinermi, § 29, imm, 1, nr. 2 naapertorlugu.

Imm. 3. Napparsimasumut siunnersuisup suliassara:

- 1) napparsimasumik ilitersuissaaq aamma siunnersuissalluni napparsimavimmut unitsinneqarnermut, uninnganermut aamma nakorsarneqarnermut peqqinnissaqarfiup napparsimaviini pissutsinut tamanut tunngatillugu,

- 2) naammagittaalliornissaanut aallartitsinnermi aamma naammassinninnermi napparsimasumik ikiuissaaq, aamma
- 3) sapinngisamik Tarnimikkut Nappaatillit Maalaarutaannik Aalajangiisartut naammagittaalliutigineqartoq pillugu oqaluuserinninneranni najuutissalluni.

§ 36. Kalaallit Nunaanni Eqqartuussivimmi eqqartuussisoq qinnuteqartoqarnerup kingorna napparsimasunut siunnersortit akuerissavai. Akuerisanut nalunaarsuut Dronning Ingridip Napparsimmavissuani tarnikkut nappaatilinnut immikkoortorta qarfiannut nassiunneqassaaq. Napparsimasunut siunnersortinngortitat Nuummi najugaqassapput aamma Dronning Ingridip Napparsimmavissuani tarnikkut nappaatilinnut immikkoortorta qarfianni atorfeqartuussanatik.

Imm. 2. Siunnersortinngortitsineq pisumi ataasiakkaami pisassaaq, tassa pinngitsaaliissumik akuliunneq aamma siunnersortinngortitsineq pillugit peqqissaasup pigaartuusup napparsimasumut siunnersorti tuaviernerpaamik nalunaarfigissavaa. Napparsimasumut siunnersorti, nalunaarsuummi allatorneqarfigisaminni tulleriiarineq malillugu, atorfinitsinneqartassaaq.

Imm. 3. Siunnersortinngortitsiniarneq pillugu oqaaseqarnissaminut napparsimasooq periarfisinneqassaaq. Nalunaarsuummi allassimasumik, napparsimasumut siunnersortimik allamik, napparsimasooq siunnersorteqarusunneq pillugu noqqaassuteqarpat sapinngisamik noqqaassut akuerineqassaaq. Aalajangiineq Kalaallit Nunaanni Eqqartuussivimmi eqqartuussisumut maalaarutigineqarsinnaavoq.

Imm. 4. Napparsimasooq, nalunaarsuutini ilaanngitsumik, siunnersorteqarumalluni noqqaassumik saqqummiussaqarpat imm. 2 naapertorlugu inummik tullinnguuttumik siunnersortilernerqarallassaaq. Napparsimasup inuk siunnersuutaa siunnersortinngortinneqarsinnaanersoq Kalaallit Nunaanni Eqqartuussivimmi eqqartuussisup aalajangissavaa. Napparsimasup noqqaassutaa inassutigiuminangitsuunngippat akuerineqassaaq.

§ 37. Siunnersortinngortitsinerup kingornatigut piaarnerpaamik napparsimasumut siunnersortip napparsimasooq pulaassavaa ataavartumillu attavigissallugu. Napparsimasooq Dronning Ingridip Napparsimmavissuaniippat pulaarneq siulleq nalunaaquttap akunneri 24-t qaangiutsinnagit pissaq. Napparsimasooq peqqinnissaqarfiup immikkoortortaasa ilaanni allamiippat siunnersortinngortitsinerup kingornatigut nalunaaquttap akunneri 24-t qaangiutsinnagit oqarasuaatikkut attavigeqatigiinneq pissaq. Tamatuma kingornatigut sapaatit akunneranut ikinnerpaamik ataasiarluni aamma pisariaqartitsineq naapertorlugu pulaarneq pisassaaq.

Imm. 2. Napparsimasumut siunnersorti killilersugaanngitsumik akornusersugaanngitsumillu inuttut toqqaannartumik, allakkatigut oqarasuaatikkullu napparsimasumik attaveqarnissaminut pisinnaatitaaffeqarpoq.

§ 38. Immikkoortorta qarfimmi imaluunniit peqqinnissaqarfimmi sulisut paasissutissat suulluunniit napparsimasumut siunnersortip suliame isumannaatsumik sularinissaanut pisariaqartitai taassumunnga tunniutissavaat.

Imm. 2. Nakorsap nakorsatut suliatigut pissutissaqarluni napparsimasumut paasissutissiissutiginnigisaa, napparsimasumut siunnersortimut aamma paasissutissiissutigineqassanngilaq.

§ 39. Napparsimasumut siunnersortitut toqqagaasimaneq atorunnaassaaq pinngitsaaliissummik iliuseqarnerup taamaatinneqarneranut ilutigitillugu. Taamaattorli napparsimasumut siunnersortip napparsimasooq naammagittaalliutinut aallartinneqareersimasunut, imaluunniit tamatumunnga ilutigitillugu aallartinneqartunut, atatillugu ikiussavaa.

§ 40. Naalackersuisut sukumiinerusumik maleruaqqusanik, napparsimasunik siunnersuisartut atorfinitsinneqarnerannut aamma atuuttussanngortinneqarnerannut, taakkua suliassaannut aamma pisinnaatitaanerannut aammattaaq ajunngitsorsiassaannut tunngasunut, aalajangersaassapput.

Kapitali 10

Naammagittaalliuuteqarnissamut ilitsersuineq

§ 41. Pinngitsaaliissummik atuinerni tamani akuliunnerup maalaarutigisinnaanera pillugu napparsimasooq ilitsersorneqassaaq. Tamatuma saniatigut napparsimasumut ilisimatitsissutigineqassaaq naammagittaalliuuteqarneq qanoq annertutigisumik kinguartitsinissamut sunniuteqarsinnaaneramik, tak. imm. 2 aamma 3.

Imm. 2. Pinngitsaaliissummik atuinissaq pillugu aalajangiinnermut naammagittaalliuuteqarneq aalajangiinnermik kinguartitsissutaasinnaanngilaq, taamaattorli tak. imm, 3.

Imm. 3. Taamaattorli pinngitsaaliissummik nakorsarneqarnissamik aalajangiineq, tak. kapitali 4, pillugu naammagittaalliorneq kinguartitsissutaasinnaavoq, imaangippat ingerlaannartumik nakorsarneqarnissap aallartinneqarnissaa pisariaqarluni napparsimasup inuunera imaluunniit peqqissusia annertuumik navianartorsiortinniarnagu imaluunniit pinngitsoortinniarlugu, napparsimasup allanik timaasigut imaluunniit peqqissusiannik ajoqusiisinnaanera qanippat. Pinngitsaaliissummik malinnaaviginninnissaq § 19 naapertorlugu aalajangiineq taamatutaaq kinguartitsissutaasinnaavoq.

§ 42 Sapinngisamik naammagittaalliuuteqarnissamut ilitsersuineq napparsimasup pinngitsaaliissummik iliuseqarfigineqarnissanut atatillugu saqqummiunneqassaaq.

Imm. 2. Pinngitsaaliissummik nakorsarneqarnissaq pillugu naammagittaalliut, Inatsisartut Inatsisaanni § 41, imm. 3, naapertorlugu kinguartitsissutaasinnaappat, sapinngisamik piaarnerpaamik aamma pinngitsaaliissummik nakorsarneqarnerup aallartinnissaa sioqqullugu naammagittaalliorsinnaanermik ilitsersuisoqassaaq.

§ 43. Pinngitsaaliissummik napparsimavimmut unitsitsinermi, pinngitsaaliissummik uningatinneqarnermi, pinngitsaaliissummik oqqussinermi, pinngitsaaliissummik nakorsaanermi,

napparsimmavimmit angerlareernermi pinngitsaaliissummik malittarinninnermi, pinngitsaaliissummik sukaterussinnermi, nukiit atorlugit pissaanermik atuinermi, sernissuilluni sukaterussinnermi, inummik immikkut nakkutiginninnermi nalunaaquttap akunnerinik 24-nik ataannartumik sivisunerusumik sivisuuseqartumik, kiisalu immikkoortortaqaqfimmi parnaarsuinnermi, napparsimasoq Tarnimikkut Nappaatillit Maalaarutaannik Aalajangiisartunut, pinngitsaaliissummik iliuuseqarfigineqarneq pillugu naammagittaalliuteqarsinnaanera pillugu ilitserorneqassaaq. Taamatuttaaq napparsimasoq ilitserorneqassaaq naammagittaalliutip Tarnimikkut Nappaatillit Maalaarutaannik Aalajangiisartunut saqqummiunneqarnissaanik, tamanna napparsimasup imaluunniit napparsimasumik siunnersuisartup tamatuminnga kissaateqarneq saqqummiuppagu, tak. § 47.

Imm. 2. Taamatuttaaq napparsimasoq piumasaqarnera naapertorlugu Tarnimikkut Nappaatillit Maalaarutaannik Aalajangiisartunut naammagittaalliornissamut periutsip pillugit ilitserorneqassaaq, tamatumunnga ilanngullugit napparsimasoq aamma napparsimasumik siunnersortip oqaatitsigut imaluunniit nalunaarasuartaatit atorlugit suliassamik aalajangiisartunut saqqummiussinissamik pisinnaatitaaffiat pillugu, aammattaaq aalajangiisartut aalajangiinissaanut kingusinnerpaamik piffissaliussaq pillugu, tak. § 48

§ 44. Naammagittaalliornissamut oqaatsit atorlugit ilitseruisoqassaaq.

Imm. 2. Naammagittaalliornissamut ilitseruut allaganngorlugu tunniunneqassaaq, taamatut napparsimasoq kissaateqarluni piumasaqaammik saqqummiussipat.

§ 45. Naalackersuisut naammagittaalliornissamut ilitseruineq pillugu aalajangersakkanik sukumiinerusunik aalajangersaasinnaapput.

Kapitali 11

Naammagittaalliornissamut periarfissaq aamma eqqartuussivikkut ingerlatitsisinnaaneq

§ 46. Naalackersuisut naammagittaalliuteqarnermut aalajangiisartunik pilersitsissapput taaguuteqartumik Tarnimikkut Nappaatillit Maalaarutaannik Aalajangiisartut.

Imm. 2. Tarnimikkut Nappaatillit Maalaarutaannik Aalajangiisartunut ilaasortaapput:

- 1) eqqartuussissuserisoq siulittaasutut,
- 2) Nunatsinni Nakorsaaneq, aamma
- 3) napparsimasut peqatigiiffianit sinniisuutitaaq, tarnimikkut napparsimasunut sinniisuutitaa-sussaq,

Imm. 3. Naalackersuisut ilaasortanut sinniisussanik toqqaassapput,

Imm. 4. Toqqaanerit imm, 2 aamma 3-mi ukiuni sisamani atuupput. Toqqaqqittoqarsinnaavoq.

Imm. 5. Tarnimikkut Nappaatillit Maalaarutaannik Aalajangiisartut suliassanik ataasiakkaanik aamma aalajangiinernut suliaqarnerminni suliassanut ataasiakkaanut tunngatillugu ilitserorneqarnissanut attuumassuteqartinneqanngillat.

Imm. 6. Nunatsinni Nakorsaaneqarfik Tarnimikkut Nappaatillit Maalaarutaannik Aalajangiisartut allatseqarnikkut suliassaannik isumaginnittuuvoq.

Imm. 7. Peqqissutsimut Iisimatusarnermullu Naalackersuisoqarfiup Tarnimikkut Nappaatillit Maalaarutaannik Aalajangiisartut aningaasartuutaat, tassunga ilanngullugit aalajangiisartunik ilaasortat ajunngitsorsiaat akilertassavai.

§ 47. Napparsimmavinni oqartussaasut napparsimasup imaluunniit napparsimasumik siunnersuisup qinnuteqarnera tunngavigalugu naammagittaalliutit Tarnimikkut Nappaatillit Maalaarutaannik Aalajangiisartunut naammagittaalliutit ingerlateqqissavaat, makkununga tunngasut:

- 1) napparsimavimmut pinngitsaaliissummik unitsinneqarnermut,
- 2) napparsimavimmi pinngitsaaliissummik uninngatinneqarnermut,
- 3) oqqunneqarnermut,
- 4) pinngitsaaliissummik nakorsarneqarnermut
- 5) napparsimavimmit angerlartinneqarnerup kingornatigut pinngitsaaliissummik malinnaaffigineqartunut, § 19 tunngavigalugu
- 6) pinngitsaaliissummik sukaterunneqarnermut,
- 7) timi atorlugu pissaanermik atuiffigineqarnermut,
- 8) pissaaneq atorlugu nakorsaammik eqqissaatitortinneqarnermut,
- 9) sernissuiniarluni sukaterunneqarnermut,
- 10) immikkut nakkutigineqartumut nalunaaquttap akunnerinit 24-nit sivisunerusumik, kiisalu
- 11) immikkoortortaqarfimmi matunik parnaarsuinermut.

Imm. 2. Naammagittaalliut napparsimasumit imaluunniit napparsimasumut siunnersortaa-sumit nammineersinnaajunnaarsinneqarnerup imaluunniit pinngitsaaliissummik iliuuseqarfigineqarnerup allap, naammagittaalliornermut tunngasup, kingusinnerpaamik qaammatit arfinillit qaangiutinnginneranni saqqummiunneqareersimassaaq.

§ 48. Naammagittaalliut § 47-imi taaneqartoq Tarnimikkut Nappaatillit Maalaarutaannik Aalajangiisartunut saqqummiunneqarpat suliambut tunngasut Peqqissutsimut Pitsaaliuinerimullu Aqutsisoqarfimmut nassiunneqassapput, tamatumunnga ilanngullugit pinngitsaaliissummik iliuuseqarnermik allattaavissuarni allanneqarsimanerat allaganngorlugit, aammattaaq Dronning Ingridip Napparsimavissuani tarnikkut nappaatillit immikkoortortaqarfianni nakorsaaneqarnerup uppernarsaanera. Tamatuma saniatigut Aalajangiisartut namminneq isumagissavaat suliap suliarineqarnissaa aamma uppernarsaatini il.il. amerlanerusunik tamanna pisariaqarpat pissarsiarnissartik.

Imm. 2. Napparsimasoq aamma napparsimasumut siunnersorti oqaatsit atorlugit imaluunniit nalunaarasuartaatit aqutugalugit suliamik aalajangiisartunut saqqummiussinissamut pinsinnaatitaapput. Immikkut ittunik pisoqartillugu aalajangiisartut aalajangersinnaapput napparsimasup peqqissusianik eqqarsaatiginninneq imaluunniit suliap aalajangiisartuni suliarineqarnera

pissutigalugu napparsimasoq tamakkiisumik ilaannakuusumilluunniit suliap suliarineqarneranut peqataatinneqassanngitsaq.

Imm. 3. Tarnimikkut Nappaatillit Maalaarutaannik Aalajangiisartut pinngitsaaliisummik ili-uutsit, sulianik naammagittaalliutaasunik kinguartitsissutaasinnaasutut sunniuteqartut pillugit aalajangiisassapput, tak. § 41, imm. 3, naammagittaalliutip tiguneqarnerata kingornatigut ullu-innaat arfineq marluk iluanni. Sulianut allanut tunngatillugu Tarnimikkut Nappaatillit Maalaarutaannik Aalajangiisartut sapinngisamik piaartumik aalajangiisassapput. Aalajangiineq naammagittaalliutip tiguneqarnerata kingornatigut ullut 14 iluanni aalajangiisoqanngippat, aalajangiisartut tamatumunnga pissutaasoq pillugu napparsimasoq aamma napparsimasup siunnersortigisaa ilisimatissavaat, aammattaaq ilisimatitsissutigissavaat aalajangiinerup qaqugu pinissaa naatsorsuutigineqarsinnaanersoq.

Imm. 4. Naalackersuisut Tarnimikkut Nappaatillit Maalaarutaannik Aalajangiisartut suleri-aasissaannik aalajangersaassapput.

§ 49. Napparsimasup imaluunniit napparsimasumut siunnersortaasup piumasaqarneratigut Tarnimikkut Nappaatillit Maalaarutaannik Aalajangiisartut aalajangikkatik Kalaallit Nunaanni Eqqartuussivimmut ingerlatissavaat Kalaallit Nunaanni pinerluttulerinerme inatsimmi kapitali 28 naapertorlugu.

Imm. 2. Suliassap saqqummiunnissaa pillugu qinnuteqaat Tarnimikkut Nappaatillit Maalaarutaannik Aalajangiisartut aalajangiineranniit sapaatit akunneri sisamat qaangiutsinnagit saqqummiunneqassaaq. Piffissarititami saneqqutsinissamik immikkut ittumik pissutissaqarpat Tarnimikkut Nappaatillit Maalaarutaannik Aalajangiisartut aalajangiineranniit qaammatit arfinillit tikillugit kingusinnerusukku qinnuteqaatip saqqummiunneqarnissaa Kalaallit Nunaanni Eqqartuussivimmi akuerineqarsinnaavoq.

Imm. 3. Napparsimasup nammineersinnaajunnaarsitaanissaa Tarnimikkut Nappaatillit Maalaarutaannik Aalajangiisartut akuerippassuk napparsimavimmit angerlartitsineqarnissamut apeqqut pillugu Tarnimikkut Nappaatillit Maalaarutaannik Aalajangiisartuni suliassiissutigeqqinnissaa aalajangiisartut aalajangiinerinit qaammatit marluk ingerlareernerisigut aatsaat saqqummiuteqqinneqarsinnaavoq. Nammineersinnaajunnaarsitsinerup inatsisinut naapertuunnera pillugu apeqqut eqqartuussivimmut tunniunneqarsimappat, tak. imm. 1, piffissarititaq taaneqartoq eqqartuussiviup aalajangiineranit naatsorsorneqassaaq.

Imm. 4. Tarnimikkut Nappaatillit Maalaarutaannik Aalajangiisartut napparsimavimmit angerlartitsinerup kingornatigut pinngitsaaliisummik malittarinninnermik pilersitsisoqarnissaa akuerippassuk, tak. § 19, napparsimavimmit angerlartitsinerup kingornatigut pinngitsaaliisummik malittarinninnissamut apeqqut aatsaat napparsimavimmit angerlartitsinerup kingornatigut pinngitsaaliisummik malittarinninnissaaq § 19, imm. 6 naapertorlugu sivitsorneqarpat aalajangiisartunut suliassiissutigeqqinnissaa noqqaassutigineqarsinnaavoq. Tamatuma kingornatigut napparsimavimmit angerlartitsinerup kingornatigut pinngitsaaliisummik malittarinninnissap sivitsorneqarnissaanut suliassiissutigineqartut ataasiakkaat saqqummiuteqqinneqarsinnaapput.

Kapitali 12

Atuutsitsilernermut, atorunnaarsitsinermut aamma ikaarsaariarnermut aalajangersakkat

§ 50. Inatsisartut Inatsisaat manna atuutilerpoq ulloq 1. juli 2019 aamma aalajangiinernut kiisalu aalajangersaanernut inatsisartut inatsisaata atuutilernerata kingornatigut aalajangerneqartunut tamanut atuulluni.

Imm. 2. Tamatuma saniatigut Tarnimikkut nappaatilinnik nammineersinnaajunnaarsitsineq allatigullu pinngitsaaliisummik iliuuseqarneq pillugu Inatsisartut inatsisissaat nr. 24, 3. december 2012-imeersoq atorunnaarsinneqarpoq.

Imm. 3. Allaffissornikkut malittarisassiat, tarnimikkut nappaatilinnik nammineersinnaajunnaarsitsinermut allatigullu pinngitsaaliisummik iliuuseqartarneq pillugu inatsisartut inatsisaanni toqqammaveqartut kingusinnerusukkut allannguutaat ilanngullugit, atuutsinneqarunnaarnissamik tungaannut atuutissapput.

Namminersorlutik Oqartussat, ulloq xx. xxx 2019

Kim Kielsen